

DECANDRIA DIGYNIA.

TABULA 401.

DIANTHUS CRINITUS.

DIANTHUS floribus solitariis, squamis calycinis ovalibus mucronatis tubo triplò brevioribus, petalis multifidis radiantibus imberbibus.

D. crinitus. *Sm. Tr. of Linn. Soc. v. 2. 300. Willden. Sp. Pl. v. 2. 678.*

Caryophyllus orientalis minimus, tenuissimè laciniatus, flore purpureo, vel albo. *Tourn. Cor. 23. Herb. Tourn.*

In insulâ Cypro. 2.

Radix lignosa, teres, crassa, longissimè descendens; apice multiceps, densè caespitosa. *Herba* glauca. *Caudex* copiosi, spithamæi, adscendentes, vel suberecti, simplices vel divisi, foliosi, angulati, scabriusculi; supernè glabrati. *Folia* uncialia, linearia, rigida, canaliculata, mucronato-pungentia, scabriuscula, uninervia, margine incrassata, integerrima, vel paululùm denticulata: infima basi connata, vaginantia, membranacea, tenuissimè ciliata. *Flores* solitarii, erecti, bracteati, in speciminibus Sibthorpianis nivei. *Bractea* elliptico-lanceolata, acuminata, a flore plùs minùs remotæ. *Calyx* cylindræus, gracilis, undique striatus, acutè dentatus; squamis ovalibus, mucrone subulato, exsiccatione patentiusculo, interioribus præcipuè apice sulcatis. *Petalorum* ungues lineares, angusti, virentes; laminae ad basin ferè multifido-capillares, elegantè radiantes, disco parvo, glaberrimo, immaculato. *Stamina* vix unguium longitudine, albi, *antheris* lacteis. *Germen* cum petalis staminibusque elevatum, cylindræum, *stylis* filiformibus, longitudine vix staminum. *Capsula* cylindræa, lævis, quadrivalvis. *Semina* subrotunda, complanata, fusca.

Caudex uniflori, vel biflori, subindè quadriflori. *Flores*, monente Tournefortio, quandoque purpurei.

a. Calyx.
c. Stamina cum pistillo.
e. Semen.

b. Petalum.
d. Capsula.